



UNIVERSITÄTS-  
BIBLIOTHEK  
PADERBORN

**Chronologiae Veteris Testamenti Accvratvm Examen  
Augustißimæ, Invictissimæq[ue] Domui Austriacæ  
Dicatvm**

**Philippi, Henricus**

**Coloniae Agrippinae, 1637**

25. Quando nati sint 12. Patriarchæ. Gen.29.

---

[urn:nbn:de:hbz:466:1-64340](https://nbn-resolving.org/urn:nbn:de:hbz:466:1-64340)

adionxeris ad 137. quos idem vixit, comperies vltimum annum vite Ismaelis respondere anno à promissione 148.

GEN. 25. v. 26.

Sexagenarius erat Isaac, quando nati sunt ei paruuli. Erat is annus Abrahami 161. à promissione, siue aduentu in Chanaan 86.

Or. 2. Iacob  
& Ejan.

## IN CAPVT XXIX.

## GENES.

1. **Q**uæritur quando nati sint 12. Patriarchæ Iacobi filij: Iacob è 4. vxoribus duodecim filios totidem tribuū Patriarchas suscepit, hoc ordine. 1. Ruben ex Lia. 2. Simeonem ex eadem. 3. Leui ex eadem. 4. Iudam ex eadem. 5. Dan ex Bala. 6. Nephtali ex eadem. 7. Gad ex Zelpha. 8. Issachar ex Lia. 9. Aser ex Zelpha. 10. Zabulon ex Lia, tum Dinam ex eadem. 11. Ioseph ex Rach. 12. Benjamin ex eadem, vt pater cap. 29. Geneleos & sequentibus.

12. Patriarcha nati  
ex 4. vxoribus Iacobi.

2. Hinc sacro textu considerato deducitur, Liam septem filios & filiam, intra septennium concepisse & peperisse, ita vt aliquanto etiam tempore diceretur parere desijisse. Nam Iacobus vno duntaxat mense post suum ad Laban aduentum, iniit cum eo septennalis seruitij pactum, quo Rachelem acciperet vxorem. Gen. 29. ver. 14. Transacto hoc septennio, mox Lia, deinde post dies septem Rachel Iacobo nubuit, ibid. v. 20. 27. 28. Iosephum autem post suos fratres nõ vterinos natum esse ostendit, tum ordo narrationis, quem tenuit Moyfes Gen. 29. & cap. 30. Tum quod Israel plus Iosephum, quam illos dilexerit, eo quod in sua senectute, nempe post filios Liæ, Zelphæ, Balæ eum genuisset. Gen. 37. v. 3. Atqui non nisi circa finem anni 14. aut initium 15. seruitutis Iacobæ natus est Ioseph. Gen. 30. v. 26. Hoc enim nato, cum vellet Iacobus Chanaanitidem repetere, mansit nihilominus sex alios annos in Mesopotamia: atque ita Labano seruiuit annos 20. pro vxoribus quidem 14. pro gregibus autem sexcentium. Gen. 31. v. 38. & 41. Cui Chronologiæ diserte subscribit Tostatus Gen. 29. q. 3. additque cap. 24. Dinam & Iosephum eodem anno natos. Vnde manifestum euadit totam Liæ sobolem non prius hanc lucem aspexisse, quam annos circiter 14. Iacobus Labano seruiisset, è quibus 7. ante nuptias cum Lia celebratas effluxerant. Neque verò hic opus est, ad partus septimestres recurrere, aut contra apertam sacræ paginæ narrationem gemellos inducere. Satis constabit temporum ratio, si probabiliter dicamus cum Demetrio apud Eusebium 9. præpar. 4. Torniello & Saliano, ad ann. m. 228. singulis demens mensibus solaribus concepisse ac peperisse. Sic à nuptijs ad Iudam quarto loco natum, quadraginta menses transuerint; inde Lia cessauerit parere. Gen.

Fecunditas  
Lia.

P 3.

29. v. 35.



29. v. 35. per 14. menses, quorum decursu Zelpha conceperit, & postea enixa sit Gad: deinde Aser conceperit. Deniq; triginta mensium interuallo concepti & nati sint Issachar, Zabulon & Dina, qui menses in vnam summam collecti dant 84. quot mensibus duodecim anni solares absoluuntur. Qua ratione fieri dum erit vna vice contigisse vt Lia bis vno eodemq; anno pareret: quando verò Bala ancilla Rachelis Dan & Nephtali pepererit, non vsquequaque constat. Videntur hi ante Gad nati, forte post Iudam.

Quando  
nati Pa-  
triarcha  
10.

3. Porro, quoto quisque anno vitæ Iacobi hi Patriarchæ editi sint, non est facile ad vnguè determinare. Cornelius Gen. 29. v. 35. ait anno 85. Iacobi nati Ruben; 86. Simeonem, 87. Leui. 88. Iudam. Ad finem anni 85. vitæ Iacobi Rubenis ortum referunt Demetrius apud Eusebium, Marianus Scorus, Samerius, Salianus: quibus suffragatur Abulensis hic q. 3. dum ait Iacobum 84. annorum fuisse, quando petiuit vxorem à Laban, absoluto nimirum septennio seruitutis Petauius lib. 9. c. 19. nec non an. m. 2192. & sequentibus hæc diligenter rimatus, anno vndecimo quâ Iacob in Mesopotamiam venerat, natos putat, Iudam & Dan, cū annis præcedentibus suscepti essent Ruben, Simeon, Leui. An. 12. Nephtali & Gad: an. 13. è Zelpha Aser. Ineunte eodē anno ex Lia Issachar, exeunte vero Zabulon. An. 14. ex Lia Dinā, ex Rachele Ioseph hū eodē mense teste Demetrio.

Iosephi  
Natalis  
certior  
ceteris.

4. Iosephi Natalem, magis illustant sacrarum literarum monimenta. Hæc enim cum 30. esset annorum, somnium Pharaoni interpretatus principatum in Ægypto obtinuit. Gen. 41. v. 46. Inde effluxerunt anni septem fertilitatis, & duo famis, donec parentem suum Iosephus in Ægyptum accerseret, cum adhuc quinque anni famis superessent, Gen. 45. v. 11. Descendit igitur in Ægyptum Iacobus anno 3. famis inchoato, cum Iosephus esset 39. Ioseph autem 140. annorum. Gen. 47. v. 10. Et sic tandem annus 131. Iacobi pariabitur anno 40. Iosephi, vt docet S. Aug. tomo 4. q. 122. in Gen. & q. 47. in Exodum, additque Iosephum vixisse post descensum Iacobi annos 71. qui si addantur ad 39. quos Ioseph Iacobo in Ægyptum descendente habebat, consurgunt anni vitæ Iosephi, qui fuere 110. Gen. 5. v. 25. Ex quibus colligimus annum primum ætatis Iosephi, maiore sui parte respondere anno 92. vitæ Iacobi. Similia habent Cornelius, Gen. 30. v. 25. Petauius lib. 9. cap. 19. Salianus an. m. 2289. Tostatus Gen. 37. v. 3. & cap. 35. Vincentius lib. 1. spe& hist. cap. 118. vbi annum 40. Iosephi componit cum anno Iacobi 121.

GEN. XXIX. v. 15.

Postquam completi sunt dies mensis vnus. Hinc manifestum euadit, Iacobum post suum aduentum mense, pactum cum Labano de septennali seruitio pro Rachele inijsse, & hinc annos seruitutis Iacobæ initium capere,

GEN



GEN. 29. v. 27.

Imple hebdomadam dierum huius copula, & hanc quoque dabo tibi pro opere quo seruis-  
turus es mihi septem annis alijs. Acquirent placito, & hebdomada transacta Rachel duxit  
uxorem. Iosephus tradit Rachelem septennio post nuptias Liae, Iacobo in ma-  
nam venisse. cui subscribere videtur S. Chryl. hom. 76. in Gen. Sed textus iam  
allegatus reclamat, & clarè significat, non nisi septem dies inter Liae nuptias, &  
Rachelis cum Iacobo matrimonium intercessisse, vt notat S. Hieron. in Trad.  
Hebr. S. Augustinus q. 89. in Gen. Alcuinus, Toftatus, Eugabius, Genebr.  
Pererius, del Rio, Aben Elra, Cornelius, Bonfrerius, Menochius, Salianus, Se-  
der Olam, Fauet Peravius in tabulis, dum Liae & Rachelis nuptias eidem anno  
adscribit.

Iacob du-  
cit Liam  
& Rache-  
lem eodem  
anno.

IN CAPVT XXX. GEN. v. 25.

Nato Ioseph, dixit Iacob socio suo: dimitte me. Hinc patet natam esse Iosephum  
vel ad finem anni 14. ab aduentu Iacobi in Mesopotamiam Syriæ, vt no-  
tant Toftatus, Pererius, Bonfrerius, in hunc vers. & Salianus an. m. 2289. nam.  
1. vel anno illo decimo quarto, quam Iacob seruire cæperat iam expleto, vt ha-  
bent Cornelius, Menochius, Tornicellus, Petavius in tabulis, Chronicum A-  
lexandrinū. Tunc enim transactum erat tempus, quo Iacob Labano pro vxori-  
bus seruire ex pacto debebat, & instabat sexcentium seruitutis pro gregibus.

Quando  
natus sit  
Ioseph.

GEN. 31. v. 38.

Idcirco viginti annis fuis tecum? His verbis confirmatur, quod iam de nato Iose-  
pho dicebam: hæc enim protulit Iacob, cum in patriam reuertens à socio in  
monte Galaad esset deprehensus. Nec est, quod Labano pluribus annis, quam  
10. Iacobum seruiuisse quispiam suspiceretur, siquidē disertis verbis ait v. 41. Per  
viginti annos in domo tua seruiui tibi, quatuordecim pro filiabus, & sex pro gregibus tuis.  
Constat autem ex capite præcedenti, non nisi nato Iosepho de gregibus inter  
eos conuentum.

Iacob La-  
bano ser-  
uiuit 20.  
annis.

GEN. 33. v. 17.

Et venit Iacob in Socoth: vbi adificata domo, & fixis tentorijs &c. Hic & sequentes  
versiculi indicant Iacobum aliquanto tempore moratum in Socoth, & iuxta  
Sichem non transeûtes sicut solent viatores alicubi quiescere, sed diutius in istis  
duobus locis habitasse, donec adoleceret Dina, quæ cū Iacobus è Mesopota-  
mia discederet, non nisi sexennis erat: cū autē oppressi fuit, erat 15. aut 16. annorū,  
vt infra dicā. Iacobum in Socoth sesquiannū habitasse volant Hebræi, cui con-  
sentiant Bonfrerius, hic & Salianus an. m. 2298. Pererius præfat. in hoc caput.  
Petavius autē in tabulis duos circiter annos. Iuxta Salem 8. circiter annos man-  
sit cum suis Patriarcha, vt constabit ex ijs quæ iam de Dina afferemus.

Iacob ha-  
bitat in  
Socoth fere  
2. annis,  
iuxta Sa-  
lem 8.

GEN.



GEN 34. v. 1.

*Quando  
casus Dina  
acciderit.*

Egressa est Dina filia Lia. Casum hunc accidisse mox ab aduentu Iacobi ad Sichem putavit Tostatus ex eo, quod Emor, post facinus patratum Sichimitas alloquens id insinuare videatur. Confirmat Torniellus, quia Dina ingressa est in videret mulieres regionis illius: quas sine dubio iam pridem vidisset, si ante septennium, aut octennium huc cum parentibus aduenisset. Verum id cum communis authorum doctrina non congruit, qui moram Iacobi in Socoth non vltra biennium extendunt: Tostatus ad annum octarum producit. Neque Emordum suos ciues ad circumcisionem hortatur, significat Israelitas eo recens abuenisse: quin potius insinuat, tanto eos tempore ibi moratos, vt constaret esse pacificos, nec tam facile Sichemitis persuasisset, in vnum populum cum peregrinis coalescere, si nuper admodum aduenissent, moresque & ingenia eorum necdum perspecta fuissent.

*Iam diu  
tunc Iacob  
ad Sichem  
habitaue-  
rat.*

Dina iam pridem Sichimitas viderat: sed tunc celebritas erat, qua magna & apparatu & numero mulieres comparebant, quo spectaculo ipsa frui volebat: quia forte antea simile placuerat. Iosephus & Tostatus *septum* vocant: Theodoretus *panegyrum*. Theodorus apud Eusebium 9. præp. Euang. cap. mercatum, vt aduertit Salianus ann. m. 2305. Aliam causam affert S. Augustinus 9. 108. in Genes. nimirum Dinam, cum ad eam venisset aetatem, vt amicas iam habere posset, condiscere voluisse filias cuiusdam loci illius. Quod aptè conuenit cum fonte Hebraeo. Nam  $\eta\kappa\gamma$  raa, non solum aspicerè, sed etiam considerare & explorare significat, vt patet Gen. 37. v. 14. 1. Paralip. 21. v. 12. Psal. 33. v. 9 quibus in locis septuaginta habent  $\epsilon\delta\iota\mu$ : hic verò  $\kappa\alpha\tau\alpha\mu\alpha\beta\epsilon\upsilon$ . Quamobrem verius esse hunc casum euenisse paulo ante quam Iacob ex Sichem vbi octo circiter annos haeserat, moueret in Bethel. Caietanus creditur quidem Dinam iam tunc natam fuisse: quandoquidem eius connubium petebat Sichem: sed tardius corruptam opinatur, quia tardius natam. Verum ex dictis cap. 29. colligimus eam natam eodem anno, quo Ioseph, & quidem ante ipsum, cum nulla ratio appareat, cur ibi Moyse histerologia vti voluerit, ordine temporis prætermitti.

*Dina tunc  
erat 16.  
circiter  
annorum.*

Quoad aetatem Dinæ, ea annorum 16. circiter fuisse videtur. Nam sexcentis erat antequam Iacob è Melopotamia digrederetur, & ipse 10. circiter annos partim in Socoth, partim ad Sichem habitauit, antequam Dina rapere-  
Pererius, & Torniellus aiunt eam tunc fuisse annorum 15. Cornelius circiter Menochius fortè 15. Petrius circiter 16. Bonferius 15. aut 16. Salianus annos 2305. subscribit Demetrii rationibus apud Eusebium l.c. qui prout in Genes. legitur, disertè asserit eam corruptam fuisse cum annos 16. haberet, & 4. menses, Ruben peruenisset ad ann. 22. & duos menses, Simeon ad 21. & 4. menses Leui ad 20. & 6. menses. Additque Iacobum tunc fuisse annorum 107.



verò seniore non fuisse inde constat, quod ipsa eodem ferè tempore nata sit, quo Ioseph, qui venditus est, cum Iacob ex Sichem in Bethel, & hinc in Hebron migrasset: ipse verò Ioseph dum venderetur, erat 16. aut 17. annorum vt patet Gen. 37. v. 2. & 14. Dina autem vim passa est, Iacobo adhuc in Sichem commorante, vt facer historiarum contextus exhibet, Gen. 34.

IN CAPVT XXXV.

GEN. v. 19.

1. **M**ortua est ergo Rachel. Haud longo tempore, post vitium Dinæ oblatum, cum Ioseph esset annorum circiter 16. Nam antequam Ioseph nasceretur Rachel cum Iacobo 7. annos vixerat, qui ad 16. adiecti conficiunt annos 23. quor eam cum viro fuisse tradit Demetrius apud Eusebium, cui in tabulis subscribit Pererius, & ad eundem annum Dinæ casum, & Rachelis obitum refert. Consentit Pererius hic disp. 4. Bonfrerius & Cornelius in hoc cap. v. 28. Abulensis Gen. 37. nec multum dissentiunt Tornellus & Salianus an. m. 2306.  
2. Hinc colligitur 1. errare Hebræos in Seder Olam, dum non nisi 14. annos Rachel in matrimonio vixisse fingunt. 2. Ad hoc vt quispiam alicubi habitare dicatur, non requiri aliquot annorum domicilium: nam post oppressam Dinam Deus Iacobum in Bethel habitare iussit Gen. 35. v. 1. quod hic absque vlla dubitatione præstitit. Inde nihilominus migravit ante obitum Rachelis, Hebræi mansionem in Bethel semestrem faciunt. nec facile diuturnior esse potuit, vt ex dictis patet. Quare ex eo, quod Abraham dicatur in Charan habitasse, Gen. 11. v. 31. refelli non potest eorum opinio, qui cum S. Augustino illum eodem anno, quo Charras venerat, inde mortuo parète discessisse arbitrantur.

Mori Ra- chelis.

Coroll. 1. 2.

GEN. 35. v. 28.

Completi sunt dies Isaac centum octoginta annorum. S. Augustinus q 112. in Gene- sin latè docet, Moysen non seruasse hoc loco temporis ordinem, eo quod Ioseph venditus fuerit annis 12. ante excessum Isaac, ani sui, qua de venditione, agam infra cap. 37. Idem docent vnanimi consensu interpretes in hoc caput. Moriente Isaac effluxerant anni à promissione 205. à natiuitate Iacobi & Esau 120. à venditione Iosephi 12. &c.

Etia & obitus Ia- cob.

CAPVT XXXVII.

v. 2. & 28.

**V**lgatus cum sedecim esset annorum, &c. vendiderunt eum Ismaelitæ. v. 28. Ioseph vē- ditur.  
Vlgatus interpres de annis 16. completis intelligendus est, vt bene Lyranus & clarius Abulensis, Menochius & alij passim in hunc locū. Codices  
Q verò

P. Philipp  
Chronologia  
v. Testamenti  
A IV  
7



verò Hebræi, Chaldæi, Græci, S. Augustinus & alij, qui Iosepho, cum videretur 17. annos tribuunt, de currentibus loquuntur, ita vt labente anno ætatis suæ 17. Ioseph à suis fratribus venditus sit, ætatis Iacobi 108. iuxta S. Augustin. q. 122. in Genesin, & Chronicon Alexandrinum. Repromissionis 93. supra centesimum vt notat Eusebius, decimo tertio antequam ipse Ioseph carcere Ægyptiaco solutus Pharaoni fisteretur, vt cõputat Demetrius apud Eusebium. In hâc Chronologiam pleriq; omnes, maximè recentiores conspirant. Pererius, Samerius, Tornielus, Gordonus, Cornelius, Bonfretius, Petavius, quos inter tam exigua est de annis iam recensitis discrepantia, vt pro nulla merito haberi possit. Aliud est de annis mundi, à diluuiio, ante Christum ad hanc venditionem relatis.

## CAPVT XXXVIII. V. 1.

- De Coniugio Iudæ  
vria certa.*
1. **E**odem tempore, descendit Iudas. Certum est primò, ea, quæ de Iudæ coniugio hic narratur, contigisse antequam Iacob cù sua familia in Ægyptum decesseret: quæ enim hoc cap. 38. referuntur gesta sunt in terra Chanaan, ad quos Iacob & Iuda non sunt reuersi, ex quo in Ægyptum à Iosepho vocati, sese contulerant. Deinde filij Iudæ Her & Onan coniuges Thamar, in Chanaan mortui sunt, Gen. 46. v. 12. ergo aliquot annis ante nati fuerant, quam eorum parens & avus è Chanaan in Ægyptum descenderent.
  2. Certum est secundò, ab anno 17. ætatis Iosephi, quo labente ipse venditus est, exclusivè, vsque ad descensum Iacob in Ægyptum effluxisse annos 27. Inter enim Ioseph, cum Pharaoni, somnium eius interpretaturus fisteretur, triginta annorum, Gen. 41. v. 46. mox septennium vlt. ætatis, tum sterilitatis biennium intercessit, quoad Iacob in Ægyptum à Filio accerseretur. Gen. 45. v. 6. Et tempore Cathodi Iosephi expleto 39. ætatis anno, quadragesimum agens Subductis igitur 17. annis, ad quos Iosephus cum venderetur pervenerat, remanebunt anni 23. à tempore quo Iosephus venditus est ad descensum Iacob in Ægyptum.
  3. Certum etiam mihi videtur, Iudam, vt hic narratur, vxorem duxisse, hoc id ferè tempus, quo Ioseph abductus est: hoc enim indicant verba illa primæ huius capitis. Eodem tempore, quibus Moyses hanc auspiciatur historiam. Cõsentiunt Hebræus, Latinus, Chaldæus, nec dissentit Græcus dum ait: *ἐν τῷ χρόνῳ τούτῳ*: verum autem paucis annis, ante, vel post; disputari potest.
  4. Nonnulli, vt Tornielus ita verba prima huius capitis interpretantur, Iudas anno circiter 13. ætatis suæ genuerit Her, mox anno sequenti Onan, ad annum 15. Selam: anno Iudæ 27. Thamar nupsit primum Her, deinde mortuo Onan, hoc etiam è viuis sublato, Thamar vidua vsque ad annum 27.
- De tempore huius  
coniugij  
vria certa.*